

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, Sarajevo, koje zastupa ministar Admir Katica (u daljem tekstu: Ugovorni organ) i

Determ d.o.o. Zagreb, ul. Filipa Vukasovića 1, ID broj 78206544075, kojeg zastupa direktor Tomislav Grubišić (u daljem tekstu: Dobavljač)

zaključile su:

## **UGOVOR o nabavci usluga praćenja medija**

### **PREDMET UGOVORA**

#### Član 1.

Predmet ugovora je nabavka usluga praćenja medija, objava o projektima i aktivnostima MUP-a Kantona Sarajevo i ministra unutrašnjih poslova Kantona Sarajevo, te analize istih, kao i praćenja dometa plasiranih PR saopćenja za potrebe Ministarstva unutrašnjih poslova Kantona Sarajevo.

Ugovor se zaključuje na osnovu Odluke o pokretanju postupka nabavke broj: 04-1-11-4-2545/26 od 27.04.2026. godine kojom je određeno provođenje postupka dodjele ugovora putem direktnog sporazuma i ponude Dobavljača broj: 294-PJ1-1 od 23.04.2026. godine.

Ponuda Dobavljača čini sastavni dio ugovora.

### **VRIJEDNOST UGOVORA**

#### Član 2.

Vrijednost nabavke iz člana 1. ovog Ugovora iznosi 3.000,00 EUR, odnosno 5.867,49 KM bez PDV-a (pethiljdaosamstotinašezdesetsedam i 49/100 KM)

Cijena je fiksna i ne može se mijenjati za vrijeme trajanja ugovornog odnosa.

### **NAČIN PLAĆANJA**

#### Član 3.

Plaćanje se vrši u roku do 30 dana od dana dostavljanja fakture, jednokratno.

#### Član 4.

Dobavljač se obavezuje da će pružati usluge u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ će utvrditi razuman rok za ispravku propusta Dobavljača u smislu izvršene usluge.

### **ROK IZVRŠENJA USLUGE**

#### Član 5.

Dobavljač je dužan ugovorenu uslugu izvršavati kontinuirano godinu dana, na način i prema opisu usluge koji je sastavni dio ponude u kojoj je tačno navedeno šta usluga uključuje.

### **PRELAZNE I ZAVRŠNE ODREDBE**

#### Član 6.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogodene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogodena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 8.

Ovaj ugovor stupa na snagu danom potpisivanja ovlaštenih predstavnika i traje godinu dana.

Član 9.


Ovaj ugovor izrađuje se u četiri istovjetna primjerka, od kojih po dva zadržava svaka ugovorna strana.

DOBAVLJAČ ~~DETERM d.o.o.~~  
Determ d.o.o. Zagreb, Ulica Filipa Vukasovića 1  
OIB 7...4075

direktor, Tomislav Grubišić

Broj: \_\_\_\_\_

Dana: 12.05.2026



Broj: 04-1-11-4-2545-1/26

Dana: 28.04.2026. godine